

Дууч, бишч багъчудт

Танъгъчин кеермдж болдж
Тадн цуглрад ирвт,
Торгън бишмүдән үмсдж,
Төрскндән эрдмән үзүлвт.

Хар хүрсх махлаг
Хаджу талан цохднат,
Ут торгън бишмүдиг
Ухагъан дахулдж
саглрулнат.

Сергльнъ сӓӓхн дуунтн
Седклин байр болна.
Зүүцсн хурдн биитн
Зүркнь ханлт болна.

Дуулсн, биилсн эрдмтн
Дүүрән болдж делгртхӓ.
Билг, байр, джиргълтн
Булг кевтӓ буслтха!

САНЪГЪДЖИН БОСЯ.